



Advokat Mikkel Mundal
Hollendergaten 14
5017 BERGEN

Referansar:
Dykker:
Vår: 14/1864 - 15/30355

Saksbehandlar:
Tone Margrethe Berland Furustøl
tone.furustol@lindas.kommune.no

Dato:
23.09.2015

Forlenging av mellombels bruksløyve- gbnr 190/2 Grøttveit-hovudhusvære

Administrativt vedtak. Saknr: 14/1864405/15

Tiltakshavar: Trond Grøttveit og Nina Mikalsen Grøttveit
Ansvarleg søker: -
Søknadstype: Søknad om mellombels bruksløyve etter plan- og bygningslova (tbl.) § 21-10.

Saksutgreiing:

Tiltak – innleiande merknader

Det vert vist til dykker søknad om ytterligare forlenging av mellombels bruksløyve for bustad – gbnr 190/2, medrekna utleieeinga. Søknaden er datert 02.07.15 og motteke her 03.07.2015 samt supplert med straumpost av 19.08.2015.

Det vert elles vist til fem tidligare søknader om mellombels bruksløyve. Den første vert gjeven 23.12.2011 (med gyldigheit til 15.12.2012), vedtak om forlenging av bruksløyve av 19.12.2012 (med gyldigheit til 01.06.2013), 18.06.2013 (med gyldigheit til 06.01.2014), 31.01.2014 (med gyldigheit til 31.08.2014) og 21.08.2014 (med gyldigheit frem til 01.06.2015).

Frå søknaden om mellombels bruksløyve av 23.12.2011, vilkår, pkt. 2, anna del, siterast det:

«Det er ei føresetnad for å kunne gje ferdigattest for heile bygget, at ny tilkomst er opparbeidd i samsvar med tidligare gjevne byggjeløyve og i samsvar med dei krav som er stilt av vegstyremaktene i saka».

Gjeldande søknad er den sjette innkomne søknaden om mellombels bruksløyve for bustad utan at ny tilkomst er opparbeidd.



Jordskiftesaka

Det er i søknaden opplyst at tiltakshavar, Trond Grøttveit, ved Adv. Mikkel Mundal, den 30.06.2015, har kravd jordskifte for omlegging av privat veg-ny avkjørsel ved Midthordland jordskifterett.

Det bes om at vi vert orientert om utviklinga i jordskiftesaka.

Ansvarleg søker

Innkomen søknad om mellombels bruksløyve/ferdigattest skal bli sendt inn av ansvarleg søker, jf. plan- og bygningsloven (tbl.) § 23-4. Det følgjer av bestemmelsen at ein ansvarleg søker er tiltakshavars representant overfor kommunen. Han skal stå for all kontakt mellom kommunen, føretakane og tiltakshavar.

Etter Byggesaksforskrifta (SAK10) §11-2 (1), vert det stilt krav til grunnleggjande praksis for ansvarleg søker ..»fra utførelse eller prosjektering, samordning samt utforming av søknad med underlag, for tiltak i samme eller høyere tiltaksklasse». Ein advokat, utan slik grunnleggjande praksis, kan til dømes ikkje vera ansvarleg søker. Etter SAK10 §12-2, bokstav k, har ansvarleg søker ansvar for å ..»identifisere gjenstående arbeid, bekrefte at byggverket har tilfredstilende sikkerhetsnivå, og å angi tidspunkt for ferdigstillelse dersom det søkes om midlertidig brukstillatelse». Krava til dokumentasjon, må såleis vera oppfylt for å kunne søkje om mellombels bruksløyve.

Då gjeldande søknad ikkje er sendt inn av ansvarleg søker med naudsynt dokumentasjon, blei den vurdert til retur. Trass i dette, går vi utifrå at bustaden dekkjer naudsynte krav til bustad, jf. tbl. §21-10, tredje ledd. Søknaden er såleis blitt handsama.

Etter søk i våre arkiv, er det Tjore Byggvedlikehold, org.nr. 889568992, som er registrert som ansvarleg søker i saka. Det bes om at ansvarleg søker står for all kontakt med kommunen, jf. tbl. § 23-4.

Søknaden frå tiltakshavar – medrekna utleieeinging

Søknaden fortel at kommunens krav til ny avkjørsel ikkje har funne si løysning. Tiltakshavar har difor kravd jordskifte for ny veg/avkjørsel ved Midthordland jordskifterett. Forventa tid til sakhandsaming er ca. eitt år. Viss tiltakshavar får medhald, vil bygging av ny veg/avkjørsel omgåande byrje. Arbeidet med utleieeinginga er gjort ferdig og oppfyller alle krav til bustad. Eigen biloppstillingsplass er gjeve eininga på sjølve eigedomen. Ein ekstra bil har marginal innverknad for bruken av avkjørsla og for trafikkauke då ein ikkje kan kontrollere kor mange bilar dei seks brukarane av vegen har. Utan godkjenning kan ikkje tiltakshavar få tiltenkte leigeinntekter på utleieeinginga.

På denne bakgrunn søker tiltakshavar om forlenging av mellombels bruksløyve – medrekna sokkel-eininga.

Nabomotsegn - utleieeinginga

Vi har motteke motsegn frå nabo - gbnr 190/1 Nina og Magnus Grøttveit - datert 22.07.15 og motteke her 24.07.15. I brevet vert det understreka at dei ikkje har nokon innvendingar mot at kommunen gjev mellombels bruksløyve for hovuddelen av huset, men motsett seg at utleieeinginga vert mellombels godkjent for bruk med tanke på auka trafikk i den trafikkfarlege avkjørsla. Dei står fast ved at vilkår i tidlegare vedtak skal stå ved lag. I tillegg informerer dei at det truleg vil gå to år før det vert treft ei avgjerd i jordskiftesaka etter samtale med jordskiftedommar. Det vil gå eit år før behandling startar og eit år før saka er avgjort i jordskifteretten – tilsaman to år.

VURDERING

Hovudhusvære

I mellombels bruksløyve av 23.12.2011 er det stilt fleire vilkår. I pkt. 1 står det: «*Mellombels bruksløyve er gjeve på vilkår av at rekkverk rundt terrasse og altan skal vera sikra frå i dag og at permanent rekkverk skal vera satt opp forskriftsmessig innan 01.04.2012.*» Etter søk i våre arkiv, kan vi ikkje sjå at vi har motteke dokumentasjon på at rekkverket er gjort ferdig. Dette er uheldig då mellombels bruksløyve for hovuddelen går utifrå at arbeidet er gjort. Ansvarleg søker må omgående sende oss naudsynt dokumentasjon.

Kjellarbustad

I mellombels bruksløyve av 23.12.2011, pkt. 2, står det at «*Følgjande arbeid er ikkje utført, og må vera ferdig før ferdigattest kan gjevest: Leilegheit i U-etasjen er opplyst gjort ferdig innan 15.12.2012.*» I løyve til etablering av kjellarbustad av 22.10.2009 er det knytt særlege vilkår til ferdigattest for kjellarbustaden. Ansvarleg søker må sende oss naudsynt dokumentasjon på at kjellarbustaden er gjort ferdig.

Avkørsle

I vurderinga stiller vi oss bak tidlegare avgjerd. Det er ikkje vist til nye moment som inneber at vi skal fråvike våre vilkår slik dei ble satt i løyve til mellombels bruksløyve av 23.11.2011, jf. løyve til ny avkørsle frå kommunal veg av 15.12.2009. Spørsmålet er kven som endrar noverande trafikksituasjon slik at ny avkørsel må bli opparbeid. Kjellarbustaden gjev oss naudsynt kunnskap og overtyding om at det kan bli ein eller fleire brukarar av den belasta vegen. Sjølv om dei andre sin bruk ikkje kan dokumenterast, så bekrefter nabomotseigna at tålt bruk av tilkomsten er nådd med noverande bruk. Kjellarbustaden er difor den utløysande faktoren som endrar noverande trafikksituasjon slik at ny avkørsle må bli opparbeidd.

Vedrørande løyve til ny avkørsel, datert 15.12.2009, så er ikkje denne lengre gyldig. Det følgjer av veglova §40, 4. ledd, at løyvet fell bort når «... arbeidet med avkjørsla ikkje er sett i gang innan 3 år etter at løyvet er gitt...». Lova gjev inga heimel til forlenging av løyvet. Ein ny fullstendig søknad om løyve til ny avkørsle frå kommunal veg, må sendast inn til kommunen.

Frist for mellombels bruksløyve og ferdigattest

Det er søkt om eit år forlenging av bruksløyvet frå 01.06.2015 til 01.06.2016. Jordskiftesaka kan trekke ut i ca. to år. Det er naudsynt å søkje nytt løyve og å byggje avkjørsla. Frist for mellombels bruksløyve og ferdigattest vert difor sett til 01.09.2018.

Når tiltaket samla sett er gjort ferdig og nytt løyve til avkørsle er ordna, blir ferdigattest gjeve etter søknad med naudsynt dokumentasjon.

Om fristen ikkje vert holda, kan ein ikkje rekne med at mellombels bruksløyve for hovudhusværet vert forlenga. Alternativet er å prosjektere bustaden tilbake til einebustad. Dette krev ein eigen søknad.

VEDTAK:

Med heimel i plan- og bygningslova § 21-10, 3. ledd, vert det mellombelse bruksløyve for bustad på gbnr 190/2 forlenga til 01.09.2018 på følgjande vilkår:

1. Vilkåra gjeve i tidlegare vedtak gjeld vidare. Dette inneber at det ikkje gis mellombels bruksløyve for U-etasjen/utleieeininger/kjellarbustaden.
2. Ferdigattest skal liggje føre innan 01.09.2018.

Bortfall av mellombels bruksløyve

Mynde

Saka er handsoma og avgjort administrativt i medhald av delegert mynde, jf. kommunelova § 23 nr. 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagga på i vedtaket, og kva endringar en ønskjer. Klagen skal grunnleggjevast.

Føretak som har fått avslag på søknad om ansvarsrett har særskilt rett til å klage over dette vedtaket.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nyttet fullt ut, jf. fvl. § 27b.

Kopi av dette vedtaket, samt andre saksdokument, skal alltid være tilgjengeleg på byggeplassen.

Ved all vidare kontakt i denne saka, ver venleg og referer til saknr.: 14/1864 - 15/30355.

Gebyr

Med heimel i plan- og bygningslova § 33-1 og Lokal forskrift om gebyr for teknisk forvaltningsteneste vert det følgjande gebyr i saka:

Kode	Skildring	Tal	Sum
10.2.8	Mellombels bruksløyve	1	2900
	Totalt gebyr å betala		2900

Gebyret skal vere betalt innan 30 dagar rekna frå fakturadato og før arbeidet kan setjast i gang, jf. pbl. § 21-4 (6).

Klage over gebvr

Gebyr for teknisk forvaltingsteneste er fastsett ved forskrift. Det er ikkje høve til å klage over ei forskrift, jf. forvaltningslova §§ 3, 28 og 40. Det kan difor ikkje klagast over at det vert kravd gebyr, eller over storleiken på gebyret. Det kan klagast over kva punkt i regulativet gebyret er rekna ut i frå. Klage skal vere grunngjeven.

Ved all vidare kontakt i denne saka, ver venleg og referer til saknr.: 14/1864 - 15/30355

Med helsing

Tor Hegle
avdelingsleiar

Tone Margrethe Berland Furustøl
rådgjevar

Dette dokumentet er elektronisk godkjent og har difor ingen signatur

Kopi til :

Trond Grøttveit	Sjosidevegen 128a	5914 ISDALSTØ
Magnus Grøttveit	Sjosidevegen 111	5914 ISDALSTØ

Mottakar:

Tjore Byggvedlikehold	Radøyvegen 1360	5936 MANGER
Adv. Mikkel Mundal	Hollendergaten 14	5017 BERGEN

Magnus Grøttveit	Sjosidevegen 111	5914	ISDALSTØ
Trond Grøttveit	Sjosidevegen 128	5914	ISDALSTØ
	a		